



Газет 2001-йисан
ноябрдилай акъатзава

Эренлардин СЕС

*РД-дин Докъузпара райондин общественно-политический газет.
Общественно-политическая газета Докузпаринского района РД.*

№17 (946) 22-апрель, арбе, 2020-йис. Газетдин са экз. къимет киоскрай - 13 манат

КОРОНАВИРУС

Яшайишдин объектар дезинфекция авуна

Коронавирусный инфекция чукулунин къурхувилдин сергъатра авай серенжемрин къулараваз Докъузпара райондин 37-нумрадин пожарный частунин дестеди Докъузпара райондин Гьукуматдин бюджетдин идарайрин дараматар, абурухъ агал хъанвай сергъатар, райондин центрдин куьчяр, Цийи Каракуьредин, Мискискар хуьруьн гзаф инсанар къватлал жезвай чкаяр дезинфекция авуна.

МЧС-дин пешекарри махсус хуьдай паргалара аваз ва къвалахда желбдай тадаракар гваз къилдин дараматрин чинриз, къилин чкайриз, азарлуяр къабулдай отделенидин рекъериз руг элекъирдай, инсанрин ва гъайванрин уьмуьрдиз хатасуз махсус раствор яна. И жуьредин дезинфекция авун паталди цъаяр тухуьрдай аварийно-къутармишдай улак ишлемишна. Адан куквал хцадаказ ва шуькьудаказ цирт1 ядай жинабдин луьле (ствол) эцигнавай.

Вахтуналди чи райондин Къилин везифаяр тамамарзавай Агъмед Агъмедова къейд авурвал, и жуьредин къарардалди райондин Оперативный



штабди 30 лагъай мартдилай 4-апрелдалди вири идарайрин ва дараматрин къвалерин къенепатарни дезинфекциядин такъатралди тартибдик (къайдадик) кутада. Райондин Оперативный штабди пландик квай серенжемрин къайдада маса къвалахарни тамамарда.

"Чна гражданиз эвер гузва. Чарасуз гереквал авачиз, къвалаяй экъечмир, Гьукуматдин руководителрин меслятриз яб це! Чи республикадин Къили Дагъустандин сергъатра 52 терефда а къвалах давамардай ихтиярар ганвай идараяр

тайинарнава. Адан сиягда авайбурал къетли гуьзчивални ала. Чи райондин сергъатра кардик квай тепкилатрин руководителри, чпин идарайрин къвалах давамарун патал арза хъена ва актар тухуьрна кланда. Сифте нубутда и дуьшуьшдал расалмиш жезвай карчийривай авай гъакъикъатдин дугъривал Республика Дагъустандин Росподребнадзордин сайтдай, агъадихъ галай адресдай чириз жеда: <http://05.Rospotrebnadzor>", - къейдна А. Агъмедова.

Шагъбала ШАГЪБАЛАЕВ

Гатфарин призывдиз талукъ месэла гъялна



15-апрелдиз райадминистрацияда Россиядин Яракълу къушунриз эвер гунин рекъий тешкилнавай призывдин комиссиядин заседание киле фена. Адан карда умуми районрин (Ахцегъ, Докъузпара, Рутул) военный комиссар Рафик Мегъамедова, райадминис-

трациядин Къилин заместитель Салигъ Гъажимурадова, военный комиссариатдин армиядин жергейриз эвер гузвай отделдин руководитель Махач Агъмедова, Докъузпарадин ЦРБ-дин къилин врачдин заместитель Динара Мегъамедперифовади ва врач-терапевт

Гъажи Жафарова иштиракна.

Рафик Мегъамедова суьгъбетна, кар ана ава хьи, Республика Дагъустандин Россиядин армиядиз эвер гузвай комиссияди алай йисан 10-апрелдиз вичин муддтда тешкилнавай, Россиядин армиядин жергейриз гражданиз эвер гунин мярекат COVID-19 инфекция чуклун тавунин серенжемрин къулараваз, маса графикдал хутахнава.

Къиле фейи заседанидин негъажайралди къарар къабулна. Авай гъалариз баянар гунади, къейдна хьи, Докъузпара районада яш тамамбуруз армиядин жергейриз эвер гудай комиссияди вичин къвалах 2020-йисан 20-апрелдилай давамарда. Мадни и мярекат къабулнавай комплекс къилиз акъудунин къайдада къиле фида.

РД-дин ГБУ-дин "Докъузпарадин ЦРБ-диз" муниципальный районада медкомиссиядиз бес тежедай пешекарар врачар акун ва медкомиссиядин членар хуьдай такъатралди таъминарун тагъкимарна.

Шагъбала ШАГЪБАЛАЕВ

Цаяр къунин хатасузвал авай месэлайриз фикир гана

Гатфаринни гатун вахт алукуникди, чаз малум тирвал, цаяр къазвай дуьшуьшрин къадарар садлагъана аргух жезва. Амни са бязи саймаз ксари чуьлдиз экъечлайла, къуранвай набататрик цай кутурла, арадал къезва. И кардин вилик пад къунин рекъий къабулна кланзавай серенжемрин гъакъиндай Докъузпара районада совещание киле фена. Адан карда иштиракун патал Республика Дагъустанда кардик квай Россиядин МЧС-дин къенепатан къуллугъдин подполковник Енжаги Гъамзатов атанвай.

Совещанидин къвалахда гъакъни райадминистрациядин къилдин заместителар тир Салигъ Гъажимурадова, Сурей Исмаиловади, Къазихан Мегъединова, ГО ЧС ва ЕДДС-дин краай управленидин начальник Ренат Агъамедова ва райондин имам Ваполлагъ Баласиева иштиракна.

Енжаги Гъамзатова къейдна, вирида саналди автомобилрин рекъерин къерехрив, тамарин мукъварив, чуьлдин чкайра ва хсусият киле



тухузвай объектра амуькзавай зирзибилдик, къуру векъерик цай кутазвай дуьшуьшар ава. Гатфар алукуникди инсанар дачадин участкар, ана эцигнавай къвалер михъивилин къайдадик кутаз цаяр къунин дуьшуьшар арадал гъизвай хатасузвиликай, къвалах дуьз тешкилунин къайдайрикай хийир

къачузвач. Нетижада арадал къезвай судулар лап пашманбур ва туьхкълур тежедайбур яз амуькзава, гъикл хьи, инсанри чпин зегъметдалди гъасилай агъвал терг жезва, бязи дуьшуьшара инсанрин чанарни вафат жезва, - лагъана ада.



Цаяр кьунин хаталувал арадал атунин тавакуллагдихь галаз алакьалу яз, кьвалах тийизвай ва суварин йикьсара территориярин дестейрин кьуллугъ-чийрихь галаз санал хуьруьн майишатдин тамарин, полициядин ва администрациядин жавабдар ксарин ял язавай чкайра, тамарин уьруьшра патрулирование тешкилда. Кьейд ийиз кланзава, цаяр кьун тавунин режим дуьз кьиле тухудайла, РФ-дин Правительстводин (25.04.2012-й.) Кьарардихь галаз рейсад яз, гатфаринни гатун вахтунда яшайишдин объективвай 50 метридай тимил тушир яргьал

сергьятра цаяр хьувурбуруз жермеяр ийида ва хьанвай зияндин сергьятриз килигна, уголовный кьайидада кар атлуда. Кьилдин гражданиз жерме кьве агьзур манатдилай кьуд агьзур манатдалди эцигнава. Кьуллугъдин кларара авайбуруз - 15 агьзурдалай 30 агьзур манатдал кьведалди. Карчивилин кьвалах тухузвайбуруз (юридический лицодин образование авачирбуруз) - 30 агьзур манатдилай яхцур агьзур манатдив агакьна; юридический лицойрриз - 200 агьзур манатдилай 400 агьзур манатдалди. Цаяр кьунин нетижада хусиятдин иесийриз зиян хьайитла,

Эменнидин жерме 250 агьзур манатдай акьвазда. И кьалурнавай чьурьукрай кьезвай уголовный жавабдарвилерни ава. Абур кьилдин статьяйралди кьейднава.

УК РФ-дин 168-статьядин бинедаллаз тахсиркар 1 йисал кьведалди азадвилекай магьрумзава. Цай арадал гьуникди инсан вафат хьанватла, УК РФ-дин 219-статьядин 2-паюних галаз уголовный жавабдарвал алуькьзава. И дуьшуьшда тахсиркардиз 5 йисан дустагь атлуьза.

Шагьбала ШАГЬБАЛАЕВ

Сулейман Керимовалай хтай сертификат вахкана



1941-1945-йисарин Ватандин Чехи дяведа кьазанмишай Гьалибвилин суварин гунзарда, адан иштиракчийриз дериндай гьурмет авунин лишан яз, сенатор Сулейман Керимован патай са миллион манатдин сертификат вахкун паталди вахтуналди райондин кьилин везифаяр тамамарзавай Агьмед Агьмедов дяведин ветеран Атамов Межид Салигьовичан кьвале, адахь галаз гьуьруьмиш хьана.

Межид Салигьовичаз тебрик авун патал Дербент шегьердин администрациядин спортдин ва жегьилрин сиясатдин отделдин начальник Хочбар Баркаев, мэрдин меслятчи Тамерлан Сардаров, Дербент

шегьердин администрациядин спортдин ва жегьилрин сиясатдин отделдин кьилин пешекар Давуд Исаев ва Европадин кьугьунрин чемпион, азаддиз кьуршахар кьадай машгур пагьливан Даурен Куругьлиев атанвай.

Агьмед Агьмедова кьейдна, баркаллу сенатор, чи чилинви Сулейман Керимован патай ветерандив сертификат вахкун - вич паталди лишанлу вакьиа я. Ахпа ада ветерандиз ахши яз сагьламвал ва яргьал уьмуьр кечирмишун тлаабна.

Кьейдна кланда хьи, Атамов Межид Салигьович чи районда чан аламай, дяведин иштиракчийрикай жергеда амай садя. Амвичин хцихь галаз Кьалажухрин хуьре яшамаш жезва.

Рикел хкун чарасуз я, РФ-дин Президент Владимир Путинан Указдалди, дяведин ветеранрихь галаз санал, абурун дережадиз мукьва авунвай далу патан фронтдин иштиракчийризни 75 агьзур манатдин кьадарда аваз, блокадада, концлагерра хьайибуруз - 500 агьзур манат пулдин пишкешар гудайвал я.

Фикирда кьуна кланда, Сулейман Керимова вахузвай пулдин пишкешар мергьяматлувилин алава кам я Чехи Гьалибвилин йикьан вилик вичин патай кьабулнавай мергьяматлувилин алава шартл я.

ЧИ МУХБИР

ГЪАЛИБВИЛИН 75 ЙИС

"Гел галачиз квахъайди" - жагъана...

Чи Ватан къангу душманрин ягъунрикай хуьн паталди Миграгърин хуьрай фронтдиз 335 жегъил рекъе гъатна. Абурун жергейра Абдуллаев Мевлид Серкеревични авай. Ам 1920-йисуз зегъметчи лежбердин хизанда дидедиз хъана.

1940-йисан 10-октябрдиз адаз Яру Армиядин жергейриз эвер ганвай. Мевлид Серкеревича къуллугъзавай къушундин десте Монголрин Хашкъдин республикада арадал атанвай. Ватандин Чехи дяве башламишайла, жегъил аскер лишанчийрин жергедик кваз Западный фронтдин 82-мотострелковый дивизиядин 601-стрелковый полкуниз рекъе туна. Дяве башламишай сифте йикъарилай эгечина душманрин мурад чи Ватандин меркез - Москва кун тир. И эрзиман къилиз акъудун патал душманар хъсандиз ва яргъалди гъазур хъанвай.

1941-йисан 30-сентябрдиз Гитлеран фармандалди фашистрин-немсерин армияди вичин сад лагъай Генеральный гъужум гатлума. Меркездал чехи завалдин кърху алай. Амай къегъал рухвайрин игит ва гъунарлу ягъунрихъ галаз душмандин аксина 601-стрелковый полкунин аскер Мевлиданни иштиракна. Дивизиядин фронт пуд километрдин майданра акъаж хъанвай.

1941-йисан 13-октябрдин пакамахъ душмандин метопехотади чи къушунриз Станция Колочдин къвалав гвай Головино хуьре еке басрухар гана. Гъа йикъан къвед лагъай паюна чагла патан фланг къаз алакъай душманди 601-



стрелковый полк са паюнин гъалкъада туна. Рогочеван терефдихъай душманди вегъенвай гъалкъа къатлун патал чи аскерри къызгъин ягъунрик къил кутуна. И женгина М. Абдуллаевал хер хъана. 1941-йисан декабрдилай 1942-йисан августдалди ам госпиталда хъана. Ана сагъар хъувурдалай гуьгъуьниз Мевлидаз хабар хъана: адан ягъунрин къегъалвал "Яру Гъед" ордендалди къейднава.

Къвед лагъай залан хер М. Абдуллаевал 1944-йисуз хъана. 1943-йисан декабрдилай эгечина 1944-йисан июлдалди Мевлид Абдуллаева Белоруссияда партизанрин гьерекатда иштиракна. Мевлид Серкеревич

сержант тир. Ада командирвиле къуллугъзавай Невскийдин дестедин отделение Ворошилован тварунихъ галай бригадидик эхкечна.

Витебский районад ягъунрин къызгъин гъалар авай. Уьмуьр патал еке тавакуллагъ авай месэла гъална кланзавай, амни душмандив агакъарзавай, цистернийра аваз гъызвай ГСМ терг авун тир. И операция киле тухудайла, Мевлид Серкеревичал агъур хер хъана. Галай юлдашпри ам клеве тунач, хагасуз чкадиз хъана, госпиталдиз агакъарна. Адахъ галаз санал, са полкуна къуллугъзавайбуру Мевлид телеф хъанвайди гъасабнавай. Миграгъа авай диде Фатумадивни - "хва гел галачиз квахъна", - къара хабар агакънавай. Къилиз акъудай къегъалвилей и сеферданни Мевлид Абдуллаеваз къвед лагъай "Яру Гъед" орден гана. Госпиталда сагъар хъувур къагъриманди Болгариядин, Польшадин шегъерар азад хъувунин ягъунрани иштиракзава. Ам "Женгинин лайихлувилерай" медалдиз, "Ватандин Чехи дяведин сад лагъай дережадин ордендизни" лайихлу жезва.

Дяведилай гуьгъуьниз Мевлид Серкеревича Хасавюрт райондин Цийи Къурушрин юкъван школада военруквиле, 1967-йисалай 1979-йисалди Миграгърин юкъван школада физкультурадин ва зегъметдин тарсар гудай муаллимвиле къвалахнай.

1993-йисуз, дяведа хъайи хирерин судуррикди, къегъал хва рагъметдиз фена. Хайи хуьруьн сурара кучуднава.

Шагъбала ШАГЪБАЛАЕВ

Къайгъусузвал багъишламишдач

Статистикадин делитри ачухарзавайвал, республикада тлебии газ хагасуздаказ ишлемишунин жигъетдай авай гъалар разивал ийиз жедайбур туш. Анжах алай йисан январь-февраль варцара 18 дуьшуьш арадал атанва, абурун негъада 40 касдиз зарар ганва.

"Эхириджи дуьшуьш 15-февралдиз Махачкъалада хъана - къве мертебадин къвале газ хъиткьинна, негъада 53 йисан яшда авай дилегълидал залан хирер хъана. Бахтун

гъана, къвали цай къунач, тахъайтла, мусибатдин гъалар арадал агун мумкин тир. Гъар гъикл ятлани, са кар якъин я - газдин хагасузвилине месэладив агъалияр къайгъусузвилелди эгечзава. Инсанри фикирзава хъи, "газ" гафунихъ галаз алакълу вири месэляяр газовикрин жавабдарвилек ква. Гъа са вахтунда хагасузвилине къайдаяр вири ксариз талукъ я", - къейдзава "Газпром газораспределение Дагестан" ООО-дин исполнительный директор Ризван Гъазимегъамедова.

Хатасузвал - сифте чкадал

Газдалди таъминардай хел виниз тир хаталувал авайди я. Эгер гзаф квартирайрикай ибарат къвале яшамин жезвай са касди газдин тадаракар, мумкин тир нукъсанрин вилик пад кун патал вахт-вахтунда ахтармиш тавуртла, арадал атай

бедбахтвилине негъада вири къвалериз зарар жеда. Газди вичив къайдасузвилелди эгечлун багъишламишдач. И жигъетдай инсанар кьинин асул себебрик акатзава: гум фидай турбаяр ва я маса тадаракар къайдада



авачирвилый кIватI жезвай угардин газдалди зегьерламыш хьун ва яшайишдин кIвалера газдинни гьвадин кьарипма хьиткьинун.

Газдин сетар ва тадаракар хатасуз кьайдада хьунин асул шартI абуруз махсус (и рекьяй пепекарар тир) карханади вахт-вахтунда технический рекьяй кьуллугъ авун я. Гьаниз килигна, кIвалера авай газдин тадаракар газовикрив ахтармишпиз тун важиблу я.

КьетIен хаталувал, кьейдзавайвал, газдин колонкайри арадал гьизва, гьикI лагьайтIа, абур пепекарар тушпир ксари эцигнавай дуьшуьшар тIимил туш. Са ни ятIани и кар вичи ийизва, масада лагьайтIа, кьуншидиз теклифзава. Гьа са вахтунда им эсиллагъ дуьз рехъ туш.

РФ-дин Гьукуматди 2013-йисан 14-майдиз кьабулай кьарардин бинедалаз (№410), муьштеридив кIвалин ва я квартирадин кьене авай газдин тадаракрив технический рекьяй кьуллугъ авуниз (ТО ВДГО ва ВКГО) талукъ яз кутIуннавай икьрар хьун чарасуз я. Чир хьана кIанда хьи, ихьтин икьрар тахьуникай муьштеридин кIвал газдалди таьминарун акьвазарунин бине жезва. Вучиз лагьайтIа, эгер иесиди газовикар лазим ахтармишпунар авун патал кIвализ ахьай тавуртIа (чакай гзафбуруз ийизвайвал), абурун вилик рактарар агалайтIа, им а касди вичин хизанни, кьуншиярни хаталувилик кутунва лагьай чIал жезва.

"Газовикривай, газдин тадаракрив технический рекьяй кьуллугъ авунин бинеда вуч ава лугьуз мукьвал-мукьвал хабар кьада. Гьелбетда, и суал гьахьлуди я, гьикI лагьайтIа, йис патал кутIунзавай икьрардихъ чна пул гузва", - лугьузва идарадин векилди.

Ада гьавурда турвал, ихьтин икьрардин бинедалаз, слесарди, куь кIвализ атайла, сифтени-сифте газдин прибордин патав азадкаказ физ жезватIа, газдин турба приборрихъ жуфтдиз галкIурнаватIа, тадаракар авай гьал ахтармишна кIанда. Идалайни гьейри, гзаф квартирайрин ва кьилдин ксарин кIвалерин кьецепатан ва кьенепатан конструкторийрай тухванвай чкайрал футлярар алатIа, абур кьайдада аватIа, турбаяр галкIурнавай чкаяр гьи гьалда аватIа килигда. Газ кузвай тадарақди вири режимра кIвалахзавай жуьре ахтармишда, пичерин горелкаяр кIватI жезвай чиркерикай михьда, кранар алудда ва абуруз ягъ яда. Газдалди таьминарунин кIвалахда дегипвилер хьайила, ам аватоматламышнавай кьайдада акьвазарунин тадаракар гьи гьалда аватIа килигда, дуьздаказ туькIуьр хьийида. Гум фидай ва гьава михьи ийидай системада гьвади чIугвадай кьуват аватIа, гурмагъдихъ турбаяр галкIурнавай жуьре ахтармишда, абонентдиз яшайишда газ хатасуздаказ ишлемишпунин кьайдадаяр чирда.

"Кьиле тухванвай ТО ВДГО-дилаи кьулудухъ муьштериди, эгер и кIвалахар, дугьриданни, тамамарнаватIа, вахкунин-кьабулунин актунал кьул чIугун лазим я. Гьа икI инсандивай, кIвал чими ийидай кьазан ва я газдин пич себеб яз, чIуру гьалар арадал текьведайдак умуд кутуна, архайинвал ийиз жеда. Инал кьейд ийин, винидихъ лагьанвай кIвалахар тамамарунин кьиметар гьар жуьрединбур ятIани, екебур туш. Мисал яз, кьуд конфоркадикай ибарат газдин пичиниз технический рекьяй йиса кьуллугъ авунин кьимет - 330 манат, газдин счетчикдин - 127 манат я. Гьа са вахтунда и кIвалахри куь сагьламвал ва эменнидин саламатвал заминламышзава", - гьавурда твазва Р.Гьазимегьамедова.



Кьейд ийин, алай вахтунда РД-дин Кьил В.Васильеван тапшуругъдалди республикадин агьалийрин кIвалера авай газдин тадаракар ахтармишпунин кIвалах башламышнава. И кардал МЧС-дин Госжилинспекциядин, газдин ва пожарный кьуллугърин векилар машгъул я. Гьаниз килигна, газдин идарадин векилри республикадин агьалийриз ТО-дин икьрарар кутIунунин месъладив жезмай кьван жавабдарвилелди эгечIуниз эвер гузва.

РикIел хуьн важиблу я

Зулунни хьуйтIуьн вахтунда газдин приборри иллаки гужлудааз кIвалахзава. Гьаниз килигна, газдин идарадин кьуллугъчйири агьалийривай агьадихъ галай меслятриз фикир гун тIалабзава:

- кьайдада авачир газдин приборар ишлемишпун кьадагъа я;
 - газдин пичер эцигнавай чкайриз датIана михьи гьава кьведайвал авуна кIанда (проветривать);
 - газ кайила, жезвай продукт гурмагъдиз физвай приборар ишлемишдайла, ана (гурмагъда) гьвади чIугвадай кьуват аватIа ахтармишна кIанда. Эгер авачтIа, пич ишлемишпун кьадагъа я. Вучиз лагьайтIа, зегьерламышдай шейэр кIвале гьатун мумкин я.
 - газдин пичер авай кIвалер ксун ва ял ягъун патал ишлемишмир;
 - кIвалахзавай газдин пичер фикир тагана тамир, абур кIвал чими авун патал ишлемишмир;
 - газдин пичерив аялар агудмир;
 - приборар пепекаррин куьмек галачиз ремонт ийимир;
 - пепекаррин куьмек галачиз кIвалера газдин системаяр тайинармир, турбаяр санай масаниз акъудмир;
 - гурмагъар ва гьава михьдай тадаракар, гьакIни галкIурдай патрубкаяр, гурмагърин кьилер авай гьал вахт-вахтунда ахтармишпа ва ВДГО-дин ТО тамамарзавай организациядив абур ахтармишпуниз талукъ акт ар агакъара;
 - кьетIен фикир шибера (задвигжка) авай пичериз це.
- И алаг дуьздаказ ишлемиш тавуни гзаф вахтара бедбахтвилин дуьшуьшрал гьизва.

РикIел хуьх: эгер кIвале газдин ни аватIа, тади гьалда аварийный кьуллугъдиз эверна кIанда. Абурув хабар стационардин телефондин - 04, мобильный телефондин 104 нумрадиз, я тахьайтIа кьутармишпунин кьуллугъдин сад тир нумрадиз - 112 - зенг авуналди агакьариз жеда.

Ответственность за публикацию материалов экстремистского характера на страницах социальных сетей

Статьей 20.29 КоАП РФ массовое распространение экстремистских материалов, включенных в список экстремистских материалов Министерства юстиции Российской Федерации, а равно их производство либо хранение в целях массового распространения, влечет наложение административного штрафа на граждан в размере от 1 тысячи до 3 тысяч рублей, либо административный арест на срок до 15 суток с конфискацией указанных материалов и оборудования, использованного для их производства.

Практика сложилась таким образом, что граждане по незнанию размещают экстремистские материалы аудиофайлы, видеоролики, а также электронные варианты книг, запрещенные на территории Российской Федерации, на своих страницах в социальных сетях, доступных для ознакомления неограниченному количеству лиц. Статьей 13 Федерального закона "О противодействии экстремистской деятельности" установлено, что на территории Российской Федерации запрещается распространение экстремистских

материалов, а также их производство или хранение в целях распространения. Обращаем Ваше внимание, что с Федеральным списком экстремистских материалов можно ознакомиться по адресу: <https://minjust.ru/ru/extremist-materials>. Перед размещением на своей странице в социальной сети каких-либо материалов, в том числе путем репоста (акт копирования записи к себе на страницу в социальной сети), рекомендуем ознакомиться с вышеуказанным списком.

Запрещается использование нацистской атрибутики или символики

В преддверии 75-летия победы советского народа в Великой Отечественной войне 1941-1945 годов, законодателем принят Федеральный закон от 02.12.2019 № 421-ФЗ "О внесении изменений в статью 6 Федерального закона "Об увековечении Победы советского народа в Великой Отечественной войне 1941 - 1945 годов" и статью 1 Федерального закона "О противодействии экстремистской деятельности" (далее - Закон). Указанным Законом внесены поправки

в статью 6 Федерального закона "Об увековечении Победы советского народа в Великой Отечественной войне 1941 - 1945 годов", которая посвящена вопросам борьбы с проявлениями фашизма. Так, в новой редакции изложена часть 2 статьи, в соответствии с которой в Российской Федерации запрещается использование нацистской атрибутики или символики, либо атрибутики или символики, сходных с нацистской атрибутикой или символикой до степени смешения, как оскорбляющих

многонациональный народ и память о понесенных в Великой Отечественной войне жертвах, за исключением случаев их использования, при которых формируется негативное отношение к идеологии нацизма и отсутствуют признаки пропаганды или оправдания нацизма. Соответствующие корреспондирующие поправки внесены в статью 1 Федерального закона "О противодействии экстремистской деятельности". Изменения вступили в силу 13.12.2019.

Новые правила постановки на учет в ГИБДД автомобилей

Постановлением Правительства РФ от 21 декабря 2019 г. N 1764 "О государственной регистрации транспортных средств в регистрационных подразделениях Государственной инспекции безопасности дорожного движения Министерства внутренних дел Российской Федерации" установлен новый порядок госрегистрации транспортных средств в ГИБДД. Он введен в действие с 1 января 2020 г. и

предусматривает ряд новшеств:
- возможность регистрации автомобиля и получения государственных регистрационных знаков в автосалоне;
- запрет регистрации автомобиля за лицами, не достигшими 16 лет;
- увеличение с полугода до года срока временного ввоза, в течение которого автомобиль можно не регистрировать;
- указанный на госномере

автомобиля код региона должен соответствовать региону места регистрации владельца авто.

Таким образом, при покупке автомобиля, зарегистрированного в другом регионе, придется менять госномера.

Мисбах НАЗИРОВ, прокурор
Докузпаринского района

ОТЧЕТ ОБ ИСПОЛНЕНИИ БЮДЖЕТА

С/П "село Каладжух" на 1 апреля 2020 г.

Доходы бюджета

Наименование показателя	Код строки	Код дохода по бюджетной классификации	Утвержденные бюджетные назначения	ИСПОЛНЕНО			
				Через финансовые органы	Через бюджетные органы	Прочие источники	ИТОГО
1	2	3	4	5	6	7	8
Доходы бюджета - всего			3377	804			804
Текущий доход		1.02.002-19	230	57			57
Налог на прибыль Налога физ. лиц		1.02.002-19	70	18			18
Налог на доход физических лиц		1.00013-10	30	15			15
Объем штрафов и пеней ФД			288	24			24
Платежи ПУС			86	22			22
Разрешный фонд							111

Расходы бюджета

Наименование показателя	Код строки	Код расхода по бюджетной классификации	Утвержденные бюджетные назначения	Через финансовые органы
Расходы бюджета - всего	200		3377	804
Ост. с начала года			6,3	
Заработная плата администрации		1 104 88300 20000 121 211	1090	367
Начисления на зарплату		1 104 88300 20000 129 213	330	85
Энергия		1 104 88300 20000 244 223	50	
Услуги связи		1 104 88300 20000 244 221		
Транспортные услуги		1 104 88300 20000 244 222		
Коммунальные услуги		1 104 88300 20000 244 225	40	
Уплата налога на имущество Орг-й		1 104 88300 20000 244 853		
Работы услуги по содержанию имущества		1 104 88300 20000 244 226	30	
Прочие работы услуги		1 104 88300 20000 244 226		
Прочие расходы		1 104 88300 20000 244 290		
Увеличение стоимости основных средств		1 104 88300 20000 244 310	30	
Увеличение стоимости мат-ных запасов		1 104 88300 20000 244 340	110	
Зарплата ВУС		1 203 99800 51180 121 211	68	17
Нах-ния 17-365		1 801 99800 51180 129 213	21	5
Заработная плата ЖКК		1 505 99900 5000 211 111	722	102
Нах-ния на вып-ты по оплате труда ЖКК		1 505 99900 5000 213 119	142	28
Услуги по содержанию имущества		1 505 99900 5000 244 225	282	
Заработная плата СДК		1 1403 261 160 20 540	324	
Начисления на выплаты по опт. труда СДК		1 1403 261 60020 540 213	98	
Рез-ты исп-ния б-та (дефицит профсоюз)				157

Источники финансирования дефицита бюджета

Наименование показателя	Код строки	Код источника финансирования по бюджетной классификации	Утвержденные бюджетные назначения	Исполнено			Неисполненные
Изменение остатков по внутренним расчетам (стр.821+ стр.822)	820						+
В том числе	821						
увеличение остатков по внутренним расчетам		+	+	+			+
Уменьшение остатков по внутренним расчетам	822	+	+	+			+

З.М. МИРЗОЕВ, руководитель

М.Э. МИХРАЛИЕВ, главный бухгалтер

Шагьбала ШАГЪБАЛАЕВ

Сатирадин цакулдалди

Эме - Афгъанда

Тамам кьве йисуз Афгъанда хъайи
Гъасан феналда эмедин патав.
Суйгьбетар ийиз йиксаркай къайи,
Гъикл къачунайгга вичелди ялав...

Эмеди адаз лагъана: - Гъасан,
Сагърай акъудна буржи на кьилиз!
Ви эме, вични Афгъанда ава,
Фейи йикъалай, чан бала, гъуьлуьз.

Илаж жагъана

Къве кьунши чида заз: Алини
Гъарун
Чеб гъавгъада авазва паталай
члурун.
Гъаруна элягъайла, дана а члурап,
Пагъ, Алиди акъуднай кьве
сеферда кьал!
Пуд лагъай сеферда галачиз ван-
сес
Кьуна кьуьнел Алиди сив хци

дергес.
А данади незвай векъ туна
маргъуна,
Вичин цуриз хутахна, кьужахда
кьуна.
"Ни лугъуда ихътин кьуьруьк
нукъсан я?"
Къал галачиз, фагъум авун хъсан
я!

Са кьун кими яз

Са паб ава мягъледа чи, тварни я
Тамам
Пуд кьунакай са кьун квахъна
жезвач кар давам.
Кьун тлалабиз фена а кас
кьуншидал вичин,
Адани гуьлуьт хразвай алуькда
кьвачин.

Акъазва кьез - Тамаман кар
гъатнавай клеве,
Амма ада гъич ажувал кьуначир
хиве:
Ада вучна? Дакардавай къачуна
паста
Ам кутуна храна гуьлуьт, яз аста
-аста.

Заз авачир эквер...

Райондин Кьил, хуьруьн кавха-
къведни гъа са хуьрай тир
Вакъиани адетдинди, вич нянин
къилий тир.
Хкахъда кьван хуьруьн эквер,
экуь язвай са варни.
Гъар са пата гъуьм гъатнавай,
мичли язвай цаварни.
"Вагъ! Садазни авачир экв
Чехидаз гъикл авазва?" -
Хуьруьн кавха суаллу яз
агъалийрив рахазва.
Жегъилринни хабар гузва: -
Трансформатор хканва,
Килиг, адан къайтанарни
палмандилай кданва...
Хехни кьуна кавха инал акъахда
кьван палмандиз,

Къайтандин кьил хехинивди атлана
лап хъсандиз.
Хкадарна эквер - гъаят члехидан
Мичли хъанвай, авай саягъ
виридан.
Рахунрин ван алай гъенел, фена
анал члехиди,
Тахсиркар вуж ятла чириз а
жегъил, я кьуьзуди?!
Хиве кьуна кавхади: - За атлана
эквер ви!
Себеб адахъ авазва, Куьне яб це
иердиз:
-Хуьруьн Кьил яз заз тахъай
эквер вучиз ваз ава?
Райондин Кьил хуьрена: - Дуьз
я, гъахълу яз ава!

«ГОЛОС ЭРЕНЛАРА»

2001-йисан
ноябрдилай акъатзава

Тениклайди:
Докъузпара райондин
администрация,
Дагъустан Республика

Учредитель:
Администрация Докъузпаринского
района, Республика Дагестан

Къилин редактор:
А.Э.ЭМИРСУЛТАНОВ

Жавабдар секретарь:
В.С.АГЪАМУРАДОВ

Хусуи корреспондент:
Ш.О.ШАГЪБАЛАЕВ

Корректор:
Ш.О.ШАГЪБАЛАЕВ

Верстка авурди:
КЪ.В.АГЪАМИРЗОЕВ

Газетдин индексар:
Зур йисан кьимет - 278 м.
Йисан кьимет - 556 м.

Чандиз вахкай вахт: 14:00
Чапзавай вахт: 17:00

Тираж 432

**Редакциядинни макъалайрин
авторрин фикирар сад тахъун
мумкин я. Макъалайрин делилрин
дуьзвилини патахъай жвааб
авторри чни гуда. Макъалайриз
рецензия гузвач ва абур элкьвена
вахкузвач. Мадни, чпин
макъалайра дегъишвилер тунал,
кьилер дегъишарунал рази тушир
мухбирривай чна абур
редакциядиз ракъур тавун
тлалабзава.**

**Газета зарегистрирована
Управлением Федеральной
службы по надзору в сфере связи,
информационных технологий и
массовых коммуникаций по
Республике Дагестан**

**Регистрационный
номер ПИ №ТУ5 - 00256
от 14 июня 2013 г.**

**Редакциядин,
издательстводин ва
типографиядин адрес:**

368750, Докъузпара
район, Усугъчай хуьр,
тел.+7 (8722) 55-14-61
e-mail:
golos-erenlara@mail.ru
Чи сайт: www.erenlar.ru

